

Mbanjmoq Louzsiu: Youq Henz Singz Baij-yienj Yiengh Moq Daegsaek Mbanjcuengh

留肖新村——南宁周边壮族特色村寨展新姿

□ Genzleiz Dunghinh ingj



▲ Laeuzbanhgoeng cunhvej fuengbienth vunzmbanj banh saeh.

▲ Vwnzvasiz ndaw mbanj miz daegsaek raeuh.

◀ Vunzmbanj humx youq gwnz gvjangcangz yawj yienjheiq.

Youq Namzningz Si Hinghningz Gih Sanhdangz Cin Ludungh Cunh, miz aen mbanj gyaundeiz, Hinghningz Gih “mbanj doengsim” hwnjguh sifandenj ndeu—Mbanjmoq Bouxcuengh Louzsiu. Youq ndaw mbanj, doengh dem doengh ranz-laeuz daengjdwit moqsak, yienhok fungcingz Bouxcuengh naekgywg, minzcuz vwnzva hozdung cungsim, aending baijcuengq doxgaiq vwnzva Bouxcuengh, douhung haeuj mbanj, daizheiq, luengqhongh senh-conz vwnzva minzcuz doenghgiy gizdieg boiqdauq neix yienghyienh yienjok daegsaek Bouxcuengh, hawj vunz yawj le angqyangz youh hozhaenz.

Mbanjlouzsiu gungh miz 340 lai vunz, ca mbouj lai cungj dwg Bouxcuengh. Mbanjmoq dwg Guek-gya Minzvej, Caizcwngbu buek daih'it aenmbanj daegsaek minzcuz baujhu caeuq hwngfat sawqdiemj, soujfuj Namzningz Si seveicujyi lajmbanj moq hwnjguh sifandenj. Doengh bi neix daeuj, vunzlai ndaw

mbanj youq dangvej cwngfuj baihgwnz caenhrengz bangcoengh lajde, ciuq seizdaih moq naemjlap moq bae maeuzveh mbanjmoq, lid gaeuq guh moq, aeu cizdij caeuq nungzhoh ok gij lai, cwngfuj boujdiep saek di aen fuengsik neix, gonqlaeng roengzngaenz 3000 lai fanh maenz youq ndaw gvaengz 48 moux dieg de guhbaenz 88 aen ranzlaeuz caeuq 35 moux dieg guh daihsam canjyez, lij comz ngaenz hwnjguh le laeuzcunghab cunh cizdij, lanziucangz nem baecat faqciengz, ndaem faex ganq va, bu roen guh douhung doenghgiy dieg boiqdauq neix, aenmbanj bienq ndaej moqsak gyaundeiz.

Mbanjmoq guh baenz le, vunzlai ndaw mbanj gaenxgoemx bae guh daihsam canjyez caeuq nungzgyahloz doenghgiy lijyouz fuzvu dakdaih siminz neix, laeuzcunghab ndaw mbanj gungh miz bouhung bouqiy gyawj bakngeih aen, co okbae hawj vunz dajgai ngaenzco moix bi souhaeuj

seiq hajcib fanh maenz; vunzmbanj caemh caenhrengz bae ciengx gaeq, ciengx bya, ndaem dingova dinfaex, seizneix moix vunz moix bi cinghsouhaeuj mauhgvaq fanh maenz ngaenz.

Vih swncienz vwnzva maenh-ndei minzcuz, Hinghningz Gih Minzcuzgiz lij youq Mbanjmoq Louzsiu banh le daemj man, siuq aendomq beizyinbanh, yungh bueng bi seizgan cingj lauxsae caeuq lauxhangz bae son vunzmbanj daemj man guh aendomq, hawj vunzmbanj lai rox cungj dinfwngz ra ngaenz ndeu, demlai vunzlai souhaeuj.

Byaij haeuj ndaw mbanj, vunzraeuz ndaej bae suenva, luengqmbanj youzset, ndaej bae henz daizheiq yawj yienjheiq, bae ndaw ranzsa yawj saw, bae gwnz gvjangcangz diuq foux, ranz gyaue, mbanj gyaue, seiqlengq gyaue hawj vunzmbanj ndawsim angqyangz, caenhcingz bae yiengjsouh gij vuenyungz gaijgwz hailangh daiq daeuj hawj haenz.



▲ Canghfwen ndaw mbanj bvaii ok vwnzvasiz.



▲ Nungzgyahloz ndaw mbanj loengh byaek daih hek.



▲ Ndaw ding vwnzva minzcuz baij miz aendaemjman gaeuqgeq de.



▲ Bouxyienj youq gwnz daizheiq angqyangz yienjheiq.



▲ Gij aendomq vunzmbanj guh gai de ndeiyawj bw.



▲ Yiengh mbanj moqsak gyaundeiz.



▲ Luengqhongh vwnzva hawj vunz yawj haeuj da geiq haeuj sim.